

ROBBENEILAND SPORTERFENISPROJEK

Sport was instrumenteel in die smee van goeie verhoudings tussen gevangenes toe wanhoop en teenspoed gedreig het om hulle te oorweldig. Die gevangenes het tussen 1966 en 1991'n unieke argiefversameling oor die geskiedenis van sport op Robbeneiland saamgestel. Hierdie versameling word nou in die Mayibuye Argief (Robbeneiland) van die Universiteit van Wes-Kaapland bewaar.

Robbeneiland word gewoonlik verbind met swaarkry, pyn en lyding, maar hierdie rekords toon 'n ander dimensie van die tronklewe. Hulle toon 'n kontrasterende beeld van sportaktiwiteit en 'n hoë vlak van sosiale interaksie tussen gevangenes.

Vir baie politieke gevangenes het sport 'n gevoel van normaliteit, hoop en krag verleen wat hulle opsluiting meer verdraaglik gemaak het. Hierdie artefakte getuig ook van die verenigende aard van sport en die hoë standaarde, beginsels en waardes wat met die politieke gevangenes op Robbeneiland geassosieer word.

Die Departement van Kultuursake en Sport (DKES) het kennis geneem van die belang van hierdie versameling en die noodsaak om dit vir die nageslag te bewaar. DKES en die Interdissiplinêre Sentrum vir Sportwetenskap en Ontwikkeling (ISESWO) het die projek geloods en met die Robbeneiland Museumsaamgewerkom die digitalisering van die versameling te implementeer. Die aanvanklike fase van hierdie projek het vroeg in 2012 begin en twee derdes van die artefakte word nou in 'n digitale formaat bewaar.

Hierdie inisiatief het gelei tot samewerking van 'n multi-dissiplinêre span, bestaande uit akademici, gegradueerdes, studente, museumpraktisyne, sportwetenskaplikes en regeringsamptenare om die gemeenskaplike doelwit te bereik, naamlik om die belangrike aspek van Robbeneiland se sportkultuur te bewaar. Die projek sal verbeterde toegang aan 'n groter gehoor bied. Dit word gehoop dat dit verdere interdissiplinêre studie van die versameling en verhoogde openbare belangstelling tot gevolg sal hê. Die projekvennote is oortuig daarvan dat die Robbeneiland Sporterfenisprojek as inspirasie sal dien vir individue, organisasies en strukture wat belangstel in sport en die potensiaal van sport om mense bymekaar te bring.



Wes-Kaapse
Regering

Kultuursake en Sport

BETER TESAME.



UNIVERSITY OF
WESTERN CAPE



Robbeneiland
MUSEUM



ICSD
INTERNATIONAL
CENTRE FOR
SPORT DOCUMENTATION